

# Üna grond'onur per la Val Müstair

La presidenta da la Confederaziun in Val Müstair

**La visita da la presidenta da la Confederaziun, Micheline Calmy-Rey in Val Müstair es statta ün'ocasiun per s'inscuntrar unica. La populaziun ha fat adöver da la spüerta da pudair conversar culla cusgliera federala ed es rivada in massa.**

Da Martina Fontana / anr

La Val Müstair es statta ün dals löd d'inscuntrar cun la populaziun cha Micheline Calmy-Rey ha miss sün si'agenda presidiala da quist on. In marcurdi esa lura stat uschè inavant: Cuort avant las tschinch es rivada la presidenta da la Confederaziun cun l'elicopeter a Müstair. Be pacs mumaints davo es ella gnüda accompagna da pro la Clostra San Jon, ingio ch'ella es gnüda retschevüda da la sour priura da la clostra, dal pader da la clostra e dal president da la fundaziun da la clostra. Davo avair visità la clostra es Calmy-Rey ida a verer il museum Stelvio/Umbrail 14-18 e la tessonda a Sta. Maria. La part ufficala, l'inscuntrar cun la populaziun ha gnü lö la saira. Davant la chasa da scoula da Sta. Maria es la presidenta da la Confederaziun gnüda retschevüda dals corns da chatscha Turettas e da scolaras e scolaras da la scoula reala e secundara da la Val Müstair.

**Val Müstair: Ingüna periferia, dimpersai il «cour da l'Europa»**

Fingià il pled da bivgnaint cha la mastrala, Gabriela Binkert da Sta. Maria, ha tgnü in occasion da la sairada da discussiun culla presidenta da la Confederaziun, ha insai muossà cun che problems cha la Val Müstair sto cumbatter. «Nus sperian cha la politica federala nu vezza la Val Müstair be sco üna regiun chi's rechatta a l'ur dal pajais e cha ha pac'importanza», ha'la dit. «Sülla charta mundiala as rechatta la Val Müstair nempe immez l'Europa, es insomma per uschè dir il courin pitschen mo vital d'üna cultura importanta», ha'la cuntinüa. Tant per la mastrala sco eir pels politikkers e na-

la Val Müstair es statta la visita da la cusgliera federala üna grond'onur. «Da pudair retschai-ver üna visita da quist'importanza es unic ed ans dà curaschi», ha mania üna duonna indigena. La spranza cha Calmy-Rey banduna la Val Müstair cun üna bun'impreschiun e ch'ella s'ingascha lura per l'avegnir da la val, es statta preschainta pro bleras persunas. «Nus eschan dependents dal sustegn e da la bainvuglientscha da la Confederaziun, impustüt eir per pudair realisar il proget da nossa Biosfera», esa gnü dit. Dumondas e giävüschs a la presidenta da la Confederaziun sun gnüdas fattas bleras. Indigens, mo eir persunas oriundas da l'Engiadina, dal Vnuost e giasts naziunals ed internaziunals han fat adöver da la spüerta da pudair discuorren cun Calmy-Rey.

**«La conferma cha Calmy-Rey es üna persuna fich cumpetenta»**

Las impreschiuns cha la cusgliera federala ha fat al public sun vastas: «Davo ch'eu n'ha gnü l'ocasiun da gnir a cugnuescher la presidenta da la Confederaziun persunalmaing, n'haja survgnü tuot ün otra impreschiun dad ella», ha dit ün hom. El haja adüna gnü l'impreschiun cha Calmy-Rey saja plütost üna «duonna fraida». «Mo quai s'ha uossa müda», ha'la declarà ed agiunt: «Calmy-Rey ha



David Accola, il president da la Società 14-18, (dal tuot a dretta) ha dat il bivgnaint a la cusgliera federala. Gabriela Binkert ed il grondcusglier da la Val Müstair, Geor Fallet, han accompagnà, insembel cun blers oters politikkers regiunals e chantunals la visita i l' Museum 14-18.

cour, umur ed es üna politikra chi discuorra in ün möd simpel cha minch'ün inclegia.» «Per mai es l'inscuntrar culla cusgliera federala statta la conferma da mi'impreschiun. Ella es üna persuna intelligainta, ferma e fich cumpetenta», es statta l'oppiniun d'ün'otra preschainta. Ün giuven ha dit ch'el haja plaschair cha cun la visita da Calmy-Rey gnia fatta üna gronda e buna reclama per la Val Müstair. Ün oter indigen invezza, deira ün zich dischillus cha'ls «indigens sun gnüts damain a pled co ils giasts preschaints a la sairada da discussiun». «Alch uschè nun haja amo mai dat in Val», ha

mania ün hom plü vegl. «I nun amo mai capità ch'üna duonna chi presidiescha la Confederaziun, chamina nan da giassa e da per mia chasa via!», ha'la expres cun emeziuns ed ha intunà fe mamaing il pled «duonna»...

**«Grazcha fich Val Müstair»**

Eir la presidenta da la Confederaziun ha gnü impreschiuns ed emeziuns d'ürant seis soggiurn in Val Müstair. A la dumonda che ch'el piglia cun sai da quist inscuntrar ha'la respus: «Eu pigl cun mai fi blier. Eu sun commossa dal b möd sco ch'eu sun gnüda bivgnainta in Val Müstair». La bella cultura e la natüra tilla animescha sco ch'ella ha dit, da vulair passar üna vouta sias vacanzas in Val Müstair. «Impustüt il fat cha Val Müstair es üna pitschna regiun, üna regiun però chi ha grond e buns progets per l'avegnir, a fan grond'impreschiun», ha'la e suottastrichà ch'ella as giaviescha da cour cha'ls progets cun anzats possan gnir realisats. Ün da quai ha'la declarà ch'ella uossa s'identificar amo meglder culs prodots da la Val Müstair ch'ella cumpra regularmaing butias chi vendan ils prodots biologics da la Val Müstair. «Uossa a gustaran quels amo meglder, impustüt am tiraran els adin maint la bella Val e si'importanta»



Micheline Calmy-Rey vain bivgnantada davant la Clostra San Jon a Müstair da la sour priura e dal president da la fundaziun da la clostra, Walther Anderau.